

10. september 1976.

299

Nr. 99.

FORSETABRÉF

um að Alþingi skuli koma saman til fundar mánudaginn 11. október 1976.

FORSETI ÍSLANDS

gjörir kunnugt:

Ég hef ákveðið samkvæmt tillögu forsætisráðherra, að Alþingi skuli koma saman til fundar mánudaginn 11. október 1976.

Um leið og ég birti þetta, er öllum, sem setu eiga á Alþingi, boðið að koma nefndan dag til Reykjavíkur, og verður Alþingi sett að lokinni guðspjónustu í Dómkirkjunni, sem hefst kl. 13.30.

Gjört í Reykjavík, 10. september 1976.

Kristján Eldjárn.

(L. S.)

Geir Hallgrímsson.

22. september 1976.

Nr. 100.

AUGLÝSING

um staðfesting forseta Íslands á breytingu á reglugerð fyrir Háskóla Íslands nr. 76/1958 með áorðnum breytingum.

Forseti Íslands féllst hinn 21. september 1976 á tillögu menntamálaráðherra um að staðfesta eftirfarandi breytingu á reglugerð nr. 7617. júní 1958, fyrir Háskóla Íslands með áorðnum breytingum.

1. gr.

Felldar eru úr gildi eftirfarandi greinar:

51. gr. b. töluliður 1, 52. gr. töluliður 1 og 85. gr. 4. málsg.

Í stað þeirra kemur ný grein í upphafi V. kafla, 39. gr. a., sem hljóðar svo:

39. gr. a.

Heimspekileg forspjallsvísindi skulu vera hluti af námi allra stúdenta, annarra en þeirra, sem stunda nám í íslensku fyrir erlenda stúdenta, og ber deildum að taka tillit til þess á námsskrám sínum. Er stúdentum skylt að hafa lokið prófi í greininni áður en þeir ganga undir fullnaðarpróf.

Kennslu annast kennarar í heimspeki við heimspekideild, en lúta um þessa grein yfirstjórn háskólaráðs. Námsefni skal svara til allt að þriggja námseininga, sem ekki teljast til fullnaðarprófs, nema deild ákveði. Heimilt er að láta verkefni koma að hluta í stað prófs.

2. gr.

40. gr. V., upphaf 1. málsg. orðist svo:

Heimilt er að skipta prófi í hverri kennslugrein í prófbætti og meta ritgerðir og frammistöðu í æfingum sem hluta af prófi. Við ákvarðanir þessar skal jafnan haft samráð við kennara í viðkomandi grein. Skal stúdent hljóta tilskilda lágmarkseinkunn, D, í hverjum þætti til að standast próf.

41. gr. VIIL., upphaf 1. málsg. orðist svo:

Í guðfræðideild er heimilt að stunda B. A. nám í kristnum fræðum allt að 60e skv. námskrá er deildarfundur setur.

3. gr.

Við 50. gr. bætist svohljóðandi kafli:

IX. Sérákvæði um kjörsvið í endurskoðun.

Viðskiptadeild skal standa fyrir sérstöku kjörsviði um endurskoðun er komi í framhaldi af fyrirtækjakjarna.

Kennslugreinar í endurskoðunarkjörsviði eru:

5.5 Reikningshald IV.

5.6 Endurskoðun I.

6.7 Endurskoðun II.

6.8 Skattaréttur og skattskil II.

6.9 Fjármuna- og félagaréttur.

7.0 Fjármál ríkisbúskapar.

Endurskoðun II er metin 6 námseiningar. Allar aðrar greinar eru metnar 3 námseiningar. Stúdent, sem velur þetta kjörsvið, er skylt að þreyta próf í öllum ofantöldum námsgreinum og kemur þetta kjörsviðsnám í stað kjörsviðs og frjálsra kjörgreina hjá þeim stúdentum sem velja annað kjörsvið.

Öll ákvæði annarra kafla þessarar greinar reglugerðarinnar gilda um kjörsviðsnám í endurskoðun, eftir því sem við getur átt. Jafnframt skal öllum stúdentum í viðskiptadeild heimilt að velja sér sem frjálsar kjörgreinar þær ofantalinna námsgreina sem ekki eru taldar upp í I. kafla þessarar greinar.

4. gr.

XI. kafli orðist svo:

XI. KAFLI

Félagsvísindadeild.

88. gr.

Hlutverk félagsvísindadeildar er að annast kennslu og rannsóknir á þeim fræðasviðum sem undir hana falla.

89. gr.

1. Stjórn deildarinnar er falin deildarforseta og deildarfundi.

2. Deildarforseti og deildarfulltrúi. Deildarforseti boðar deildarfundi og stýrir þeim en varaforseti í forföllum hans. Deildarforseti hlutast til um framkvæmd á samþykktum deildarfundar. Deildarforseta til aðstoðar við framkvæmd á samþykktum deildarfundar skal, að fenginni fjárveitingu, vera fastur starfsmaður, deildarfulltrúi, er lýtur stjórn háskólayfirvalda og deildarforseta. Deildarfulltrúa skal sett erindisbréf.

3. **Deildarfundur.** Deildarfundur fer með ákvörðunarvald í málefnum deildarinnar. Nú er fundur ekki ályktunarfær og skal þá boða til nýs fundar með sömu dagskrá innan 14 daga og er þá sá fundur ályktunarfær þótt innan við helmingur atkvæðisbærra manna sæki fundinn.
4. **Námsnefndir.** Við hverja námsgrein skal starfa námsnefnd, sem í eiga sæti jafnmargir kennarar og stúdentar. Kosning fer fram í febrúar og er til eins árs í senn. Hlutverk námsnefnda er að fjalla um námsefni í hverri grein, skiptingu þess í námskeið, mat þeirra til eininga og önnur þau atriði er snerta námsskipan hvorrar námsgreinar sérstaklega og gera tillögur þar að lútandi til deildarfundar.

90. gr.

Kennsla og nám.

1. **Kennsla.** Í félagsvísindadeild skal kenna:

- A. Aðalgreinar til B. A.-prófa: Bókasafnsfræði, félagsfræði, sálarfræði, stjórnmálafræði, uppeldisfræði.
- B. Uppeldis- og kennslufræði til fullnægingar ákvæðum 92. gr. um kennsluréttindi.
- C. Aukagreinar (30e í grein) til stuðnings aðalgreinum. Sjá þó 3. lið 6. málsg. r.

Deildarfundur tekur ákvarðanir um kennslu í hverri einstakri aðalgrein og í aukagreinum að fengnum tillögum frá námsnefndum, greinarkennurum og stúdentum. Skal námsefni nánar lýst í námsskrá. Á vegum deildarinnar er undirbúin námsskrá hvers kennsluárs og skal leggja hana fyrir deildarfund til endanlegs samþykkis.

2. **Námseiningar.** Nám í félagsvísindadeild skal metið í einingum (e). Ársnám í deildinni er metið til 30e og svarar hver eining til sem næst einnar fullrar vinnuviku í námi. Til B. A.-prófs er krafist minnst 90e.
3. **Námskeið og samval greina.** Sérhver aðalgrein og aukagrein skiptist í námskeið. Deildarfundur ákveður að fengnum tillögum frá námsnefndum, greinarkennurum og stúdentum skiptingu greina í námskeið og mat þeirra til eininga. Ennfremur í hvaða röð námskeið skulu tekin og hver þeirra séu skyldunámskeið í aðalgrein eða aukagrein. Námskeið skal eigi vera minna en 3e. Heimilt er að sama námskeið sé hluti úr fleiri en einni aðalgrein eða aukagrein en eigi má reikna það nema einu sinni í samanlögðum einingafjölda stúdents.

Deildarfundur setur nánari reglur um samval aðalgreina og aukagreina og stærð og mat lokaritgerða.

Heimilt er stúdent að sækja nám í aukagreinum til annarra deilda að fengnu samþykki deildarfundar félagsvísindadeildar og þeirrar deildar, sem námið er sótt til.

Heimilt er að ákveða að tiltekinn hluti námskeiðs skuli vera samning heimaritgerða (seminarritgerða og/eða prófritgerða). Heimilt er að setja í námsskrá ákvæði um skylduþátttöku stúdenta í skriflegum, munnlegum og verklegum æfingum, svo og vettvangsbjálfun á stofnunum, hvort heldur um er að ræða hluta af námskeiði eða heilt námskeið.

Við gerð námsskrár skal stefnt að því, þegar við verður komið, að stúdent þurfi ekki að ákveða aðalgrein sína á fyrstu tveimur misserum námsins.

Til B. A.-prófs úr félagsvísindadeild skal stúdent hafa lokið 60 eininga námi í aðalgrein og 30 einingum í viðbótarnámskeiðum aðalgreinar eða aukagreinar. Heimilt er félagsvísindadeild að veita 30 eininga viðbótarnám í aðalgrein eða aukagrein, að loknu B. A.-prófi.

4. **Námstími.** Námsárinu er skipt í tvö misseri. Haustmisseri er frá 15. sept til 20. janúar. Vormisseri er frá 21. janúar til 15. júní.

Kennslu til B. A.-prófa skal haga þannig, að stúdent sé unnt að ljúka námi í 90e á þremur árum. Hámarkstími til að ljúka B. A.-prófi miðað við 90e er 9 kennslumisseri frá því er stúdent var fyrst skráður í félagsvísindadeild. Deildarfundi er heimilt að veita undanþágur frá þessum ákvæðum. Sé um að ræða meira nám en 90e framlengist námstími stúdenta í hlutfalli við aukinn einingafjölda.

5. **Endurmenntun.** Félagsvísindadeild getur staðið fyrir námskeiðum til endurmenntunar fyrir þá sem lokið hafa fullnaðarprófi í kennslugreinum deildarinnar. Heimilt er einstökum greinum að fengnu samþykki deildarfundar að halda sérstök fræðslunámskeið fyrir ákveðna starfshópa.

91. gr.

Próf og einkunnir.

Námsmat felst í prófum (skriflegum, munnlegum eða verklegum), æfingaverk-efnum eða heimaritgerðum. Próf skulu haldin þrisvar á ári: 7.—20. janúar, 1.—31. maí og 1.—14. september. Í hverju námskeiði, sem lyktar með prófi, er prófað tvisvar á ári:

- a) þegar kennslu í námskeiði lýkur (í janúar eða maí) og
- b) í september. Heimilt er þó að halda próf á öðrum tímum ef brýna nauðsyn ber til. Til þess að standast próf verður stúdent að hafa hlotið minnst einkunnina 5 á prófi í námskeiði. Einkunnir skal skrá í heilum og hálfum tölum frá 0—10. Gefa skal einkunn fyrir hvert námskeið um sig, en meðaleinkunn aðal- og auka-greinar skal vera vegið meðaltal námskeiðseinkunna í hlutfalli við einingafjölda námskeiðanna. Meðaleinkunnir reiknast með einum aukastaf.

92. gr.

Próf í uppeldis- og kennslufræðum.

Próf í uppeldis- og kennslufræðum til kennsluréttinda tekur til námsefnis í uppeldisfræði, uppeldislegri sálarfræði, kennslufræði og kennslu og skal námsskrá ákveðin með tilliti til sérþarfa kennslu- og uppeldisstarfa.

Nám þetta skal alls svara til 30e. Þó er heimilt að veita stúdentum sem hafa lokið samsvarandi námskeiðum og/eða aflað sér verulegrar reynslu af kennslu-störfum, undanþágu frá tilteknum námskeiðum allt að 15e. Stúdent skal sækja um slíka undanþágu skriflega. Deildarfundur ákveður að fenginni umsögn prófessors í uppeldisfræðum hver undanþága skuli veitt. Próffyrirkomulag í öðrum námskeiðum en kennslu lýtur reglum 91. gr.

Kennslupróf eru tvö, að jafnaði í tveimur kennslugreinum. Teljast kennslu-prófin sameiginlega mynda eitt námskeið, sbr. 91. gr. og vega prófin jafnt til ein-kunnar í því. Stúdent er ekki heimilt að taka þátt í kennsluæfingum né ljúka kennslu-prófi fyrr en hann hefur lokið 30e í kennslugreininni.

Háskólinn lætur í té prófvottorð undirritað af prófessor í uppeldisfræðum.

Heimilt er að hafa samvinnu við Kennaraháskóla Íslands um þetta nám og semja um að hann annist tiltekna þætti þess.

Ákvæði til bráðabirgða.

Nú óskar stúdent, sem þegar er skráður í deildina, að útskrifast samkvæmt ákvæðum í XI. kafla skal þá deildarráð meta til námskeiða og eininga þau próf sem hann hefur lokið samkvæmt eldri reglugerð.

5. gr.

XII. kafli orðist svo:

Námsbraut í hjúkrunarfræðum.

93. gr.

Kennsla og rannsóknir í hjúkrunarfræðum fara fram í námsbraut í tengslum við læknadeild Háskóla Íslands.

94. gr.

Stjórn námsbrautarinnar er í höndum námsbrautarstjórnar. Í henni sitja námsbrautarstjóri, fastráðnir kennarar námsbrautarinnar, tveir fulltrúar læknadeildar kosnir til tveggja ára í senn og einn fulltrúi háskólaráðs kosinn til sama tíma. Ennfremur fulltrúar stúdenta og fer um tölu þeirra eftir sömu reglum og gilda um setu stúdenta á deildarfundum. Stjórnin kys formann úr sínum hópi.

95. gr.

Pegar háskólaráð eða deildarráð læknadeildar fjallar sérstaklega um málefni námsbrautarinnar skal boða formann námsbrautarstjórnar eða þann, sem hann kveður til úr hópi stjórnarmanna á fund háskólaráðs eða deildarráðs og hefur hann þar fullt málfrelsi og tillögurétt.

96. gr.

Námsbrautarstjórn gerir árlega áætlun um kennslu, húsnaðisþörf, rekstrar- og kostnað og þróun námsbrautarinnar. Námsbrautarstjórn fjallar um umsóknir um starf námsbrautarstjóra og fastra kennara. Námsbrautarstjórn ræður stundakennara í samráði við námsbrautarstjóra.

97. gr.

Námsbrautarstjóri skal starfa við námsbrautina þar til minnst 3 fastir kennarar hafa verið ráðnir, eða annað verður ákveðið. Hann skipuleggur námið eins og það er ákveðið af námsbrautarstjórn. Hann ber ábyrgð á daglegri stjórn námsins, semur lestrar- og kennsluáætlanir í samráði við kennara, samræmir námsefni, kennslu og próf, veitir nemendum leiðbeiningar og ráðgjöf, skipuleggur og hefur eftirlit með prófum í samráði við kennara og prófstjóra Háskóla Íslands og hlutast til um að nemendur geti eftir atvikum átt aðild að rannsóknarverkefnum. Námsbrautarstjórn ákveður kennsluskyldu námsbrautarstjóra.

98. gr.

Hjúkrunarfræði á námsbrautinni er fjögurra ára nám og lýkur með B. S.-gráðu í greininni. Hámarksnámstími er sex ár. Námsbrautarstjórn er heimilt að veita undanþágu frá ákvæði þessu, ef sérstaklega stendur á.

99. gr.

Námsbrautarstjórn ákvarðar vægi kennslugreina nema greinin sé tekin að öllu leyti á vegum annarrar deildar eða námsbrautar.

Kennsla í hverri námsgrein er miðuð við það, að stúdentar fái sem fyllsta yfirferð yfir hana áður en þeir skrá sig til prófs í greininni. Kennslan fer fram í fyrirlestrum, samtölum, umræðuhópum, með sýningu og verklegum æfingum.

100. gr.

Á vegum námsbrautarinnar eru kennd almenn hjúkrunarfræði og sérgreinar hjúkrunar. Eftirtalдар námsgreinar og námsgreinaflokka skal sækja til deilda háskólans:

1. Efnafræði
2. Félagsfræði
3. Líffærafræði
4. Sýkla- og ónæmisfræði
5. Sálfræði
6. Lífefnafræði
7. Lífeðlisfræði
8. Lyfjafræði
9. Meinafræði

Leitast skal við að þau námskeið, sem sótt eru til deilda, séu sem mest sniðin við hæfi nemenda í hjúkrunarfræðum. Sé þess ekki kostur skal efnt til sérstakra námskeiða.

101. gr.

Um almenn ákvæði um próf visast til 6. kafla reglugerðar Háskóla Íslands. Prófað er í janúar, að vori og hausti. Haustpróf eru eingöngu upptöku- og sjúkra-próf og skal lokið fyrir 15. september. Námsbrautarstjórn getur þó ákveðið í samráði við kennara próf á öðrum tímum.

Próf skulu vera skrifleg, verkleg eða munnleg eftir nánari ákvörðun námsbrautarstjórnar og í samráði við kennara. Prófa skal sem víðast úr námsefni. Stúdent skal ljúka námsefni 1. og 2. árs á þremur árum hið mesta. Námsbrautarstjórn er heimilt að veita undanþágu frá þessu ákvæði, þegar sérstaklega stendur á.

Einkunnir skal skrá í heilum og hálfum tölum frá 0—10. Stúdent, sem nær ekki einkunn 5,0 á einhverju prófi, telst ekki hafa staðist það próf.

102. gr.

Námsbraut í hjúkrunarfræðum er heimilt að standa fyrir námskeiðum til endurmenntunar eða framhaldsmenntunar fyrir þá, sem lokið hafa prófi í greininni við háskóla eða sérskóla.

6. gr.

XIII. kafli orðist svo:

XIII. KAFLI

Námsbraut í sjúkrapjálfun.

103. gr.

Kennsla og rannsóknir í sjúkrapjálfun fara fram á námsbraut í tengslum við læknadeild Háskóla Íslands.

104. gr.

Stjórn námsbrautarinnar er í höndum námsbrautarstjórnar. Í henni sitja námsbrautarstjóri, fastráðnir kennarar námsbrautarinnar, tveir fulltrúar læknadeildar, kosnir til tveggja ára í senn, og einn fulltrúi háskólaráðs, kosinn til sama tíma. Ennfremur fulltrúar stúdenta og fer um tölu þeirra eftir sömu reglum og gilda um setu stúdenta á deildarfundum. Stjórnin kys formann úr sínum hópi.

105. gr.

Þegar háskólaráð eða deildarráð læknadeildar fjallar sérstaklega um málefni námsbrautarinnar skal boða formann námsbrautarstjórnar eða þann, sem hann kveður til úr hópi stjórnarmanna á fund háskólaráðs eða deildarráðs og hefur hann þar fullt málfrelsi og tillögurétt.

106. gr.

Námsbrautarstjórn gerir árlega áætlun um kennslu, húsnæðisþörf, rekstrar-kostnað og þróun námsbrautarinnar. Námsbrautarstjórn fjallar um umsóknir um starf námsbrautarstjóra og annarra fastra kennara. Námsbrautarstjórn ræður stunda-kennara í samráði við námsbrautarstjóra.

107. gr.

Námsbrautarstjóri skal starfa við námsbrautina þar til minnst 3 fastir kenn-arar hafa verið ráðnir, eða annað verður ákveðið. Hann skipuleggur námið eins og það er ákveðið af námsbrautarstjórn. Hann ber ábyrgð á daglegri stjórn námsins, semur lestrar- og kennsluáætlanir í samráði við kennara, samræmir námsefni, kennslu og próf, veitir nemendum leiðbeiningar og ráðgjöf, skipuleggur og hefur eftirlit með prófum í samráði við kennara og prófstjóra Háskóla Íslands og hlutast til um að nemendur geti eftir atvikum átt aðild að rannsóknarverkefnum. Náms-brautarstjórn ákveður kennsluskyldu námsbrautarstjóra.

108. gr.

Námsbrautarstjórn gerir árlega tillögu til háskólaráðs um hve mörgum nýjum stúdentum námsbrautin veiti viðtöku. Ákvörðun háskólaráðs um takmörkun inn-ritana, ef þörf krefur, skal liggja fyrir við upphaf innritunarfrests. Tillögur náms-brautarstjórnar skulu byggðar á þeirri aðstöðu, sem námsbrautin er búin. Ef nauð-synlegt reynist að takmarka inngöngu skulu eldri stúdentar, sem ekki hafa lokið prófum fyrsta árs, sækja um námsvist á fyrsta ári að nýju og verður fjallað um umsóknir þeirra á sama hátt og nýrra stúdenta.

109. gr.

Sjúkraþjálfun er fjögurra ára nám og lýkur með B.S.-gráðu í greininni. Há-marksnámstími er fimm ár. Námsbrautarstjórn er heimilt að veita undanþágu frá ákvæði þessu, ef sérstaklega stendur á.

110. gr.

Námsbrautarstjórn ákvarðar vægi kennslugreina nema greinin sé tekin að öllu leyti á vegum annarrar deildar eða námsbrautar.

Kennsla í hverri námsgrein er miðuð við það, að stúdentar fái sem fyllsta yfir-ferð yfir hana áður en þeir skrá sig til prófs í greininni.

Kennslan fer fram í fyrirlestrum, samtölum, umræðuhópum, með sýningu og verklegum æfingum.

111. gr.

Á vegum námsbrautarinnar er kennd sjúkraþjálfunarfræði. Eftirtaldar náms-greinar og námsgreinaflokkar skal sækja til deilda háskólans:

1. Inngang að líffærafræði.
2. Eðlisfræði.
3. Líffærafræði.
4. Lífeðlisfræði.
5. Sálarfræði.
6. Almenna vefjafræði.
7. Almenna meinafræði.
8. Sjúkdómafræði.
9. Félagsfræði.

Leitast skal við að þau námskeið, sem sótt eru til deilda, séu sem mest sniðin við hæfi nemenda í sjúkraþjálfun. Sé þess ekki kostur skal efnt til sérstakra nám-skeiða.

112. gr.

Um almenn ákvæði um próf vísast til 6. kafla reglugerðar Háskóla Íslands. Prófað er í janúar, að vori og hausti. Haustpróf eru eingöngu upptöku- og sjúkrapróf og skal lokið fyrir 15. september. Námsbrautarstjórn getur þó ákveðið í samráði við kennara próf á öðrum tímum.

Próf skulu vera skrifleg, verkleg eða munnleg eftir nánari ákvörðun námsbrautarstjórnar og í samráði við kennara. Prófa skal sem víðast úr námsefni. Stúdent skal hafa lokið öllum prófum hvers árs áður en hann getur hafið nám á næsta ári. Námsbrautarstjórn er heimilt að veita undanþágu frá þessu ákvæði, ef sérstaklega stendur á.

Einkunnir skal skrá í heilum og hálfum tölum frá 0—10.

Stúdent, sem nær ekki einkunn 5,0 á einhverju prófi, telst ekki hafa staðist það próf.

113. gr.

Námsbraut í sjúkraþjálfun er heimilt að standa fyrir námskeiðum til endurmenntunar fyrir þá sem lokið hafa prófi í greininni.

7. gr.

Reglugerðarbreyting þessi öðlast þegar gildi.

Í menntamálaráðuneytinu, 22. september 1976.

Vilhjálmur Hjálmarsson.

Knútur Hallsson